

重刊道藏輯要

葛仙翁肘後備急方卷之一

救卒中惡死方第一

救卒死或先病痛或常居寢臥奄忽而絕皆是中死救之方

一方取葱黃心刺其鼻男左女右入七八寸若使目中血出佳

扁鵲法同是後吹耳條中葛嘗言此云吹鼻故別爲一法

又方令二人以衣壅口吹其兩耳極則易又可以筒吹之並捧其肩上側身遠之莫臨死人上

又方以葱葉刺耳耳中鼻中血出者莫怪無血難治有血是候時當捧兩手忽放之須臾死人自當舉手撈人言痛乃止男

道藏輯要

肘後備急方

壹

虛集十

刺左鼻女刺右鼻中令入七八寸餘大效亦治自縊死與此扁鵲方同

又方以綿漬好酒中須臾置死人鼻中手按令汁入鼻中并持其手足莫令驚

又方視其上唇裏絃絃者有白如黍米大以針決去之

又方以小便灌其面數迴卽能語此扁鵲方法

又方取皂莢如大豆吹其兩鼻中噫則氣通矣

又方灸其唇下宛宛中承漿穴十壯大效矣

又方割雄雞頸取血以塗其面乾復塗并以灰營死人一周

又方以管吹下部令數人互吹之氣通則活

又方破白犬以搗心上無白犬白雞亦佳

又方取雄鴨就死人口上斷其頭以熱血瀝口中并以竹筒吹其下部極則易人氣通下卽活

又方取牛馬糞尙濕者絞取汁灌其口中令人喉若口已禁者以物強發之若不可強者乃扣齒下若無新者以人溺解乾者絞取汁此扁鵲云

又方以繩圍其死人肘腕男左女右畢伸繩從背上大槌度以下又從此灸橫行各半繩此法三灸各三卽起

又方令爪其病人人中取醒不者捲其手灸下文頭隨年又方灸鼻人中三壯也

道藏輯要

用後備急方

二

虛集十

又方灸兩足大指爪甲聚毛中七壯此華陀法一云三七壯又方灸臍中百壯也

扁鵲法又云斷狔尾取血飲之并縛狔以枕之死人須臾活又云半夏末如大豆吹鼻中

又方搗女貞屑重一錢七開口內喉中以水苦酒立活

按此前救卒死四方并後尸歷事並是魏大夫傳中正一真人所說扁鵲受長桑公子法尋此傳出世在葛後二十許年無容知見當是斯法久已在世故或言楚王或言趙王兼立語次第亦參差故也

又張仲景諸要方搗薤汁以灌鼻中

又方割丹雄雞冠血管吹內鼻中

又方以雞冠及血塗面上灰圍四邊立起

又方猪脂如雞子大苦酒一升煮沸以灌喉中

又方大豆二七枚以雞子白并酒和盡以吞之

救卒死而壯熱者礬石半斤水一斗半煮消以漬腳令沒踝

救卒死而目閉者騎牛臨面搗薤汁灌之耳中吹皂莢鼻中立

效

救卒死而張目及舌者灸手足兩爪後十四壯了飲以五毒諸

膏散有巴豆者

救卒死而四肢不收矢便者馬矢一升水三斗煮取二斗以洗

道藏輯要

肘後備急方

三

虛集十

之又取牛洞一升温酒灌口中洞者稀糞也灸心下一寸臍

上三寸臍下四寸各一百壯差

若救小兒卒死而吐利不知是何病者馬矢一丸絞取汁以吞

之無濕者水煮取汁

又有備急三物丸散及裴公膏並在後備急藥條中救卒死尤

良亦可臨時合用之凡卒死中惡及尸蹙皆天地及人身自

然陰陽之氣忽有乖離否隔上下不通偏竭所致故雖涉死

境猶可治而生緣氣未都竭也當爾之時兼有鬼神於其間

故亦可以符術而獲濟者

附方

扁鵲云中惡與卒死鬼擊亦相類已死者爲治皆參用此方  
搗菖蒲生根絞汁灌之立差尸蹙之病卒死脈猶動聽其耳  
中如微語聲股間暖是也亦此方治之  
孫真人治卒死方以皂角末吹鼻中

### 救卒死尸蹙方第二

尸蹙之病卒死而脈猶動聽其耳中循循如嘯聲而股間暖是  
也耳中雖然嘯聲而脈動者故當以尸蹙救之方

以管吹其左耳中極三度復吹右耳三度活

又方搗乾菖蒲以一棗核大著其舌下

又方灸鼻人中七壯又灸陰囊下去下部一寸百壯若婦人灸

### 道藏輯要

肘後備急方

四

虛集十

兩乳中間又云爪刺人中良久又針人中至齒立起

此亦全是魏大夫傳中扁鵲法卽趙太子之患又張仲景云尸  
一蹙脈動而無氣氣閉不通故靜然而死也

以菖蒲屑內鼻兩孔中吹之令人以桂屑著舌下又云扁鵲

### 法治楚王效

又方剔左角髮方二寸燒末以酒灌令人喉立起也

又方以繩圍其臂腕男左女右繩從大椎上度下行脊上灸繩  
頭五十壯活此是扁鵲秘法

又方熨其兩脇下取竈中墨如彈丸漿水和飲之須臾三四以  
管吹耳中令三四人更互吹之又小管吹鼻孔梁上塵如豆